


Difícilmente por a haci algo pa scapa La Linda



ORANJESTAD – Ora cu e prome unidad a yega La Linda, tabata tin un spuit dilanti den caya grandi y tabata tin uno patras. Ora cu e unidad nan a yega na e sitio, banda di Arco Irsi y parti patras di La Linda tabata tin masha hopi huma saliendo. E prome hendenan ora cu nan a yega na e sitio, nan a haya indicacion di e hendenan den e sitio, cu e candela ta den Arco Iris, e ora e cuerpo di bombero a bai over mesora pa kibra e porta y bai paden, pero mientrastanto or a mishi cu e glasnan di La Linda y a detecta cu e tabata hopi cayente. Apesar cu a habri Arco Iris a detecta cu no tabata tin candela, sino esaki tabata den la Linda, mes ora a cambia e unidad pa un otro sitio caminda cu e bai para banda di Mai Store pa pone awa na e sitio. Un situacion cu a hunga un rol ta e parti patras di la Linda cu tabata tur na trail. Na momento cu a logra habri e bentanan, a ripara cu tin vlamnan grandi den e edificio y cu esakinan practicamente tabata tur caminda paden. Y e vlamnan a Sali di biaha y coi direccion pabou. E parti pariba di La Linda, tabata construi di un sistema di aluminiu y asina cu e la haya poco cayente, e la larga y basha den otro, esaki ta apenas un rato despues cu bombero a yega. E candela a cuminsa di pariba y pasa bai pabou, dominando e edificio completo. E vlam a cuminsa id abou y despues sigui come bai ariba di e edificio. Na momento cu a mira e situacion mas fastioso, cuerpo di bombero a pone mas hende disponibel y a cuminsa pone tur unidad nan di bombero rond di e edificio, a pidi e Dumper Pomp cu a bai chupa awa na laman y tambe a bin cu e hoogwerker



pa asina traha miho. Loke a haci ta sera e edificio unda ta Weitnauer y e parti di Aruba Bank. E motibo di esaki ta cu gran parti di la Linda ta habri y tur caminda tabata tin pasada y tabata tin trapi ta bai halto, kiermen practicamente tur caminda den e edificio e candela por a pasa bai sin ningun obstaculo cu ta strobe, pues un situacion cu ta pone cu e candela ta cana bai hopi lihe, dominando e edificio completo. Un situacion fastioso pa e negoshinan abou, ta cu tur tabata reparti cu Wall panel, kiermen facilmente e candela por a coi kima facil. Tabata tin un trapi na entrada di La Linda pa bai ariba y einan e candela facilmente pro a bai ariba, kiermen e situacion tabata fastioso pa domina e candela, pa motibo cu conociendo La Linda caba, mirando cone candela a bai a dicide di wanta e dos otro edificio nan cu tabata pega cu La Linda, pa evita lo pero. Cuerpo di bombero a haci su maximo pa domina e candela por completo, ya cu e situacion tabata hopi fastioso. Sr. Lacle a indica cu e estructura di La Linda pa nan ta conoci y ta un edificio di hopi aña cu ta hopi habri, pues si candela cuminsa un caminda, difícilmente por preveni cu e ta sigui expande, mirando cuanto articulo tin den e edificio y tambe e habri cu e edificio ta.

